

**LEGENDA**

**IZMJENE  
I DOPUNE**

**KOMENTARI**

## **PROTOTIP STATUTA ZA INTEGRISANI UNIVERZITET**

Verzija teksta sa komentarima i izmjenama

**Dennisa J. Farringtona**

BSc LLB LLM DPhil AdvDipEd FRSA

### **POGLAVLJE I** OSNOVNE ODREDBE

#### Član 1.

Statut individualnog univerziteta definiira univerzitet u pogledu javne ustanove i pravnog subjektiviteta.

#### Član 2.

Autonomija Univerziteta sastoji se naročito:

- u utvrđivanju obrazovnih, naučnih, umjetničkih i stručnih programa,
- u izboru nastavnika i njihovom promoviranju u naučna i akademska zvanja,
- u slobodi naučnog, umjetničkog i tehnološkog istraživanja i stvaralaštva,
- u utvrđivanju kriterija za upis studenata i pravila studiranja,
- u utvrđivanju unutrašnje organizacije.

### **POGLAVLJE II** OSNIVAČ I OBAVEZE UNIVERZITETA PREMA OSNIVAČU

(Pošto se radi o specifičnoj materiji za svaki pojedinačni univerzitet, statut pojedinačnog univerziteta će obraditi ovu materiju, u skladu sa zakonom.)

### **POGLAVLJE III** NAZIV, SJEDIŠTE, DJELATNOST I MISIJA UNIVERZITETA

(Pošto se radi o specifičnoj materiji za svaki pojedinačni univerzitet, statut pojedinačnog univerziteta će obraditi ovu materiju, u skladu sa zakonom.)

### **POGLAVLJE IV** ZASTUPANJE I PREDSTAVLJANJE UNIVERZITETA

(Pošto se radi o specifičnoj materiji za svaki pojedinačni univerzitet, statut pojedinačnog univerziteta će obraditi ovu materiju, u skladu sa zakonom.)

### **POGLAVLJE V** OVLAŠTENJA UNIVERZITETA U PRAVNOM PROMETU

#### Član 3.

U okviru registrovane djelatnosti Univerzitet ima svojstva pravnog lica i u pravnom prometu odgovara svojom imovinom u granicama raspoloživih finansijskih sredstava.

#### Član 4.

U pravnom prometu sa trećim licima Univerzitet ima sva prava i obaveze i to sa neograničenom odgovornošću.

(Ovo je vjerovatno nepotrebno, ali ovako kako je izmijenjeno u potpunosti je u skladu sa okvirnim zakonom: riječ „pridruženi“ je izbrisana.)

#### Član 5.

Za preuzete obaveze Univerzitet odgovara sredstvima kojima raspolaže.

#### Član 6.

Osnivač je drugoodgovorni subjekt za obaveze Univerziteta.

#### Član 7.

Gubitke Univerziteta, učinjene iz objektivnih razloga, pokriva osnivač.

(Provjeriti da li je pravno moguće osnivača obavezati na ovaj način?)

### **POGLAVLJE VI ORGANIZACIJA UNIVERZITETA**

#### Član 8.

Svojom organizacijom Univerzitet obezbjeđuje uslove za ostvarivanje osnovne funkcije, zadataka i djelatnosti Univerziteta koji se utvrđuju Zakonom i Statutom.

#### Član 9.

Univerzitet integrira više organizacionih jedinica/organizacionih dijelova (fakulteti, akademije, visoke škole, instituti, centri i dr.)

#### Član 10.

Organizacione jedinice/segmenti su dio univerziteta kao pravnog lica.

#### Član 11.

U sastavu org.jedinica univerziteta mogu postojati podorganizacione jedinice (odsjeci, katedre, i sl.).

#### Član 12.

Administrativno-stručne i tehničke poslove na Univerzitetu obavlja sekretarijat Univerziteta putem svojih stručnih službi, kabineta rektora i ureda prorektora.

### **POGLAVLJE VII**

#### **PRAVA I OBAVEZE ORGANIZACIONIH JEDINICA U PRAVNOM PROMETU**

(Predlaže se da se postojeći član ovi 13-20 u potpunosti izbace i zamijene tekstom koji je kompatibilian sa namjerom okvirnog zakona, kako je objašnjeno u popratnom izvještaju.)

#### Član 13.

Organizacione jedinice nisu ovlaštene da stvaraju finansijske ili pravne obaveze za univerzitet, osim u skladu sa pravilima koje usvoji upravni odbor, koja će predvidjeti da ugovori i drugi poslovi sa pravnom snagom budu odobreni od strane ili u ime rektora, i da je univerzitet pravno odgovoran za takve poslove.

(Napomena: upravni odbor umjesto senata, vidi sadašnji član 22.)

#### Član 14.

Upravni odbor usvaja pravila za povjerenje rukovodne odgovornosti za budžet i ovlaštenje za troškove dodijeljene podračunima organizacionih jedinica.

#### Član 15.

Sredstva ostvarena istraživačkim projektima ili drugim inicijativama organizacione jedinice dijele se između univerziteta i date organizacione jedinice u skladu sa formulom koju je usvojio upravni odbor unutar pravila rukovodne odgovornosti predviđenih članom 14.

Nikakvu aktivnost, formalnu ili neformalnu, neće poduzimati nijedan član bilo koje organizacione jedinice, u bilo kojoj stvari koja ima mogućnost da stvara bilo kakvo pravo na intelektualno vlasništvo, bez prethodnih konsultacija sa rektorom ili osobom koju rektor imenuje.

*(Ovo je novo, ali ga je očigledno radna grupa previdjela.)*

#### Član 16.

Organizaciona jedinica u administraciji univerziteta vodi zasebno računovodstvo za prihod koji ostvari.

#### Član 17.

Organizaciona jedinica može trećim licima periodično pružati usluge profesionalnog razvoja, kao što su seminari i kursevi koji nisu definirani kao obrazovni stepeni, i može u te svrhe izdavati odgovarajuća uvjerenja. Takva uvjerenja nemaju zvanični status kvalifikacije koju daje univerzitet, osim ako senat za to ne da saglasnost.

### **POGLAVLJE VIII**

**STATUSNE PROMJENE:  
OBRAZOVANJE NOVIH  
ORGANIZACIONIH JEDINICA,  
STUDIJSKIH ODSJEKA itd.**

#### Član 18.

Upravni odbor univerziteta može vršiti statusne promjene (organizacija novih jedinica, spajanje, pripajanje, podjela, izdvajanje, prestanak rada)

#### Član 19.

Inicijativu za statusnu promjenu pokreće Senat Univerziteta na osnovu studije izvodljivosti.

### **POGLAVLJE IX**

**OSTVARIVANJE PRIHODA I  
UPRAVLJANJE SREDSTVIMA  
ZA RAD I IMOVINOM**

*(Logično je da odjeljak o dodjeli sredstava organizacionim jedinicama dođe nakon ovog dijela)*

#### Član 20.

Sredstva za osnovnu djelatnost Univerzitet stiče:

- od osnivača
- participacije studenata i drugih građana,
- prodaje intelektualnih, kulturnih i materijalnih dobara i usluga,
- prihoda na osnovu autorskih prava i patenata,
- poklona, donacija i zavještaja fizičkih lica,
- drugih izvora.

#### Član 21.

Sredstva koja ostvaruje Univerzitet utvrđuju se i raspoređuju finansijskim planom Univerziteta.

#### Član 22.

Sredstva za rad koja univerzitet ostvaruje iz budžeta osnivača raspoređuju se na **organizacione** jedinice u skladu sa **šestim koju je odobrio upravni odbor**, u skladu sa standardima i normativima.

#### Član 23.

Univerzitet zadržava sva sredstva koja ostvari, a troši ih u skladu sa zakonom i usvojenim finansijskim planom.

#### Član 24.

Nalogodavac/naredbodavac/ovlaštena osoba za izvršenje finansijskog plana Univerziteta je rektor Univerziteta.

#### Član 25.

Prava iz prethodnog stava rektor može prenijeti na druga lica za poslove za koja su neposredno odgovorna.

#### Član 26.

Univerzitet ima pravo na korištenje i punu zaštitu svoje imovine, nastavno-naučnih, kulturnih, sportskih, zdravstvenih objekata, objekata studentskog standarda i drugih objekata koje koristi za ostvarivanje svoje djelatnosti.

#### Član 27.

Imovina Univerziteta sastoji se od nekretnina upisanih u zemljišne knjige u skladu sa zakonom, na zakonu zasnovanim

odlukama i zaključenim ugovorima.

## **POGLAVLJE X ORGANIZOVANJE I IZVOĐENJE UNIVERZITETSKIH STUDIJA**

### Uvodna pitanja

#### Član 28.

Na Univerzitetu se organizuje studij u tri nivoa - stepena, u skladu sa odredbama iz Bolonjske deklaracije. Ovi studiji se okončavaju sticanjem određenih kvalifikacija, vezanih za opšte propise za svaki ciklus, zasnovanih na ishodima učenja i stečenim ECTS kreditima/bodovima, a u skladu sa okvirnim kvalifikacijama na evropskom području za visoko obrazovanje.

#### Član 29.

Studiji na univerzitetu ostvaruju se na osnovu akreditovanog studijskog programa i u skladu sa pravilima studiranja zasnovanom na Evropskom sistemu prenosa i akumuliranja bodova (ECTS - European Credit Transfer and Accumulation System).

#### Član 30.

Broj dobivenih ECTS kredita/bodova koji se odnosi na predmet studiranja predstavlja kvantitativnu mjeru rada i aktivnosti neophodnih da bi student uspješno završio studije iz datog predmeta i da bi time postigao očekivane rezultate. Jedan ECTS bod odgovara aktivnostima u trajanju od 25 do 30 sati rada studenata.

## Prijem na studije

### Član 31.

Univerzitet garantira pristup na sva tri ciklusa na osnovi ravnopravnosti i na osnovu javnog konkursa.

### Član 32.

Osnovni uslov za upis na prvi ciklus studija je završeno četvorogodišnje srednjoškolsko obrazovanje u BiH ili ekvivalentno obrazovanje u inostranstvu.

### Član 33.

Kandidat se upisuje na određene studijske programe na konkurentskoj osnovi, a u skladu sa rezultatima postignutim u prethodnom obrazovanju (srednja škola, diploma prvog odnosno drugog ciklusa) i na kvalifikacionom ispitu, a prema kriterijima i postupku uređenim aktom koji donosi senat, na prijedlog org. jedinica.

## Prvi stepen studija

### Član 34.

Za sticanje kvalifikacije prvog stepena, potrebno je studirati i raditi onoliko koliko to odgovara odnosno predstavlja 180-240 ECTS bodova, što odgovara periodu od tri do četiri godine (ili šest do osam semestara) redovnog studiranja.

### Član 35.

Studenti prvog stepena studija (redovni) obavezni su završiti započeti studij prema nastavnom planu i programu koji je upisao, plus dvije godine.

### Član 36.

Vanredni studij u prvom stepenu može trajati duže od redovnog. Senat Univerziteta donosi odluku o ovom pitanju, i to na prijedlog odgovarajuće organizacione jedinice Univerziteta.

### Član 37.

Na osnovu završenih studija prvog stepena, studenti se imaju pravo prijaviti na studij drugog stepena.

## Drugi stepen studija

### Član 38.

Za sticanje kvalifikacije drugog stepena, potrebno je studirati i raditi onoliko koliko to odgovara odnosno predstavlja 60-120 ECTS bodova, što odgovara periodu od jedne do dvije godine (ili dva do četiri semestra) redovnog studiranja.

### Član 39.

Studenti drugog stepena studija (redovni) obavezni su završiti započeti studij prema nastavnom planu i programu koji je upisao, plus dvije godine.

**(Pitanje: da li je ovo predugo ako se radi o 60 bodova ili jednogodišnjem programu, zašto dozvoliti produženje na tri godine?)**

### Član 40.

Vanredni studij u drugom stepenu može trajati duže od redovnog. Senat Univerziteta donosi odluku o ovom pitanju, i to na prijedlog odgovarajuće organizacione jedinice Univerziteta.

#### Član 41.

Na osnovu završenih studija drugog stepena, studenti se imaju pravo prijaviti na studij trećeg stepena. Upis na treći stepen studija bez završenog drugog stepena studija moguć je samo u specifičnim i iznimnim situacijama [predviđenim u članovima koji slijede](#).

Doktorati (treći stepen studija)

#### Član 42.

Završen treći ciklus studija (doktorat) steći će kandidat koji uspješno završi period redovnog studiranja i istraživanja ekvivalentan periodu od 3-4 godine nakon uspješno završenog drugog ciklusa studiranja. Ovaj vremenski period kandidat može provesti ili na Univerzitetu ili u nekom institutu za istraživanje koji je priznat od strane Univerziteta, i u skladu je sa Zakonom.

#### Član 43.

Period studiranja i istraživanja smatra se završenom uspješnom odbranom doktorske disertacije, uključujući i rezultate istraživanja, objavljene u indeksiranim časopisima. Disertacija se mora predati na pregled najkasnije kada istekne period koji je dva puta duži od perioda za koji se kandidat prijavio.

#### Član 44.

Period studiranja i istraživanja [je strukturirani program sa nadzorom, određen za svaki pojedinačni slučaj, u zavisnosti od prijedloga date organizacione jedinice koji, u svakom slučaju, odobrava senat.](#)

#### Član 45.

Način nadzora istraživanja kao i procedure provjere znanja za kandidate koji spremaju doktorat bit će opisani u Pravilniku koji usvoji Senat, a koji će možda uvesti i ECTS sistem kreditiranja/bodovanja, posebno za studije s jedne a posebno za istraživanje s druge strane, a koji će garantovati adekvatnu transparentnost procesa.

(Napomena: doktorski studij, bilo zvanje doktora nauka ili doktora u struci (DEd, DBA, DProf Stud etc) sada sadrži manje ili više „čistog istraživanja“, „primijenjenog istraživanja“, rasporeda ili drugih studija. Raniji član 50 je zastario. Ne radi se o „predavanjima“, već o učešću u širem pedagoškom procesu, tj. u seminarima, radionicama, praktičnoj obuci, itd. Odrediti maksimalne ili minimalne uslove za studijski element u statutu je pogrešno.)

#### Član 46.

Kandidati na trećem stepenu studija smatraju se studentima (doktorskih studija) ali i istraživačima početnog stadija.

Cjeloživotno učenje

#### Član 47.

Univerzitet će organizovati programe cjeloživotnog učenja, koristeći prije svega inovativne metode i instrumente za podučavanje i učenje (korištenje novih tehnologija, pohađanje dopisnih škola, itd.), i koristeći prostor i opremu Univerziteta koji su na raspolaganju u vrijeme dnevnog i sedmičnog programa nastave.

#### Član 48.

Cjeloživotno učenje može imati za cilj sljedeće:

- a) sticanje formalne univerzitetske diplome,
- b) dobivanje potvrde o uspješnom pohađanju specifičnih programa obuke (početnih ili kontinuiranih) ili
- c) nadopunjavanje ili osvježavanje znanja iz određene oblasti, namijenjeno za bivše studente.

#### Član 49.

Programi cjeloživotnog učenja koji imaju za cilj sticanje formalne univerzitetske diplome ne mogu biti alternativa odgovarajućem redovnom univerzitetskom programu, obzirom da su ovi programi namijenjeni prvenstveno za potencijalne studente više starosne dobi ili osobe sa kućnim ili profesionalnim obavezama koje ih onemogućavaju u pohađanju redovnih programa, bilo redovno ili vandredno.

(Neophodno proširiti na sve potencijalne grupe)

#### Član 50.

Sistem ocjenjivanja na programima cjeloživotnog učenja se također bazira na ECTS kreditima/bodovima i rezultatima učenja.

#### Član 51.

Prethodno učenje, i formalno i neformalno, može se priznati od strane Univerziteta i ovim studentima, čije je učenje priznato kao takvo, se dodjeljuje odgo-

varajući broj ECTS kredita/bodova, koji će im služiti ili kao osnova za upis na univerzitetske programe (redovne ili cjeloživotne), ili kao elementi unutar ovih programa.

(‘se priznaje’ je prejaka formulacija obzirom na član 52)

#### Član 52.

Univerzitet je dužan usvojiti detaljne instrukcije, kriterije, standarde i procedure za programe cjeloživotnog učenja, i to posebnim aktom.

Naučnoistraživački i umjetnički rad

#### Član 53.

Naučno-nastavni, naučno-istraživački i umjetničko-istraživački rad su ravnopravne djelatnosti Univerziteta.

#### Član 54.

Naučno-istraživački i umjetničko-istraživački rad izvodi nastavno i naučno osoblje Univerziteta individualno ili u okviru naučno-istraživačkih i umjetničko-istraživačkih organizacionih jedinica Univerziteta.

#### Član 55.

U realizaciji naučno-istraživačkog i umjetničko-istraživačkog rada učestvuju i studenti dodiplomskih, postdiplomskih i doktorskih studija i po potrebi angažovani kadrovi izvan Univerziteta, izabrani u naučna i stručna zvanja prema relevantnim propisima.



**Član 56.**

Pod naučno-istraživačkom djelatnošću podrazumijevaju se fundamentalna, aplikativna, razvojna i ekspertna istraživanja.

**Član 57.**

Umjetničko-istraživačka djelatnost obuhvata istraživanje umjetnosti, umjetnička istraživanja i umjetnički rad.

**Član 58.**

Univerzitet izdaje univerzitetske udžbenike, monografije, časopise, i druge naučne i stručne publikacije za potrebe studija na univerzitetu.

**Član 59.**

Izdavačka djelatnost univerziteta reguliše se posebnim općim aktom univerziteta.

**POGLAVLJE XI****STUDENTI I PRAVILA STUDIJA**

*(Ovaj odjeljak trebao bi, u skladu sa nacrtom okvirnog zakona, sadržavati odredbu o „akademskoj slobodi“.)*

**Član 60. (novi)**

Studenti, u skladu sa zakonom, imaju pravo da preispitaju i testiraju dobijeno znanje i nude nove ideje i kontroverzna i nepopularna mišljenja, a da se pri tome ne izlažu opasnosti da će izgubiti svoje mjesto ili bilo koju povlasticu koju mogu imati u datoj instituciji.

**Član 61.(novi)**

Studenti imaju slobodu govora, organizacije i okupljanja u skladu sa zakonom.

**Član 62.(novi)**

Nijedan student neće biti izložen diskriminaciji na bilo kom osnovu kao što su spol, rasa, seksualna orijentacija, bračno stanje, boja kože, jezik, vjeroispovijest, političko ili drugo mišljenje, nacionalno, etničko ili socijalno porijeklo, veza sa nekom nacionalnom zajednicom, imovina, rođenje ili drugi status;

**Član 63.(novi)**

Studenti imaju pravo da izražavaju svoje stavove o kvalitetu nastave ili drugih uslova u ustanovi, a statut će predvidjeti pravično rješavanje pritužbi.

**Član 64.**

Studenti koji ispune uslove za prijem na određeni univerzitetski studij, mogu steći status studenta. Studenti mogu imati status redovnog ili vanrednog studenta.

**Član 65.**

Osnovna prava i dužnosti studenata su:

- da budu upoznati sa pravima, obavezama i dužnostima na početku školske godine
  - potpuno učestvuju u akademskom radu univerziteta i organizacione jedinice u koju su upisani;
- i povezana prava
- da im se ponude časovi u skladu sa u skladu sa nastavnim planom i programom, rasporedom nastave i ispita;
  - završe studij u propisanom roku pod uslovom da ostvare

- odgovarajući napredak;
- da mogu završiti započeti studij prema nastavnom planu i programu po kojem su upisali dati studij, uzimajući u obzir prirodni razvoj predmeta koje izučavaju;
- da prisustvuje predavanjima, seminarima i drugim oblicima nastave;
- da koriste biblioteke i druge usluge za studente, koje se nalaze u stanovi;
- da učestvuju na izborima za studentska mjesta u studentskim predstavničkim tijelima i drugim tijelima ustanovljenim u skladu sa statutom ustanove;
- da u slučaju javnih visokoškolskih ustanova, ima pravo na priznavanje prenosa kredita između javnih visokoškolskih ustanova unutar i van Bosne i Hercegovine, na osnovu multilateralnih ili bilateralnih sporazuma;
- da pristupi ispitima prema unaprijed utvrđenim statutarnim kriterijima;
- da učestvuju u procedurama za osiguranje i unaprjeđenje kvaliteta.

#### Član 66.

Visokoškolske ustanove osmišljavaju sistem kontinuirane provjere, vrednovanja i ocjenjivanja znanja studenata tokom semestra, te određuju način na koji će pristupiti završnoj provjeri znanja.

#### Član 67. (novi)

Provjera znanja studenata obavlja se na osnovu transparentnih i objavljenih kriter-

ija, odredbi i procedura koje se konzistentno primjenjuju. Kadgod je to moguće, provjera znanja studenta neće se zasnivati na ocjeni jednog ispitivača.

(preneseno iz odjeljka o osiguranju kvaliteta)

#### Article 68.

Student koji nije zadovoljan rezultatima završnog ispita, može podnijeti prigovor dekanatu fakulteta u toku narednog radnog dana od objave rezultata.

Prigovor može biti u vezi sa sljedećim: administrativna greška, ispit ili provjera znanja koji nisu u skladu sa planom i programom, korumpirana ili na drugi način nezakonita praksa, faktori koji utječu na sposobnosti (npr. bolest). Neće se razmatrati prigovor koji se odnosi samo na akademski sud člana osoblja.

Dekan je dužan razmotriti prigovor i ako odluči da je isti validan, formira tročlanu komisiju koju čini akademsko osoblje, u roku od pet radnih dana koja će ponovo ispitivati studenta u periodu koji ne ugrožava akademski napredak studenta. Predsjedavajući komisije je istog ili višeg zvanja od onog člana osoblja čija je provjera znanja predmet pritužbe. Odluka dekana, odnosno komisije, je konačna, i nema dalje mogućnosti žalbe unutar univerziteta.

Profesor kod koga je student polagao ispit čijim rezultatom je nezadovoljan ne može biti predsjedavajući ili biti član te komisije ali ima pravo da joj se obrati.

(Kako je formulirano, ovo je dosta otvoreno i moglo bi rezultirati stotinama „nezadovoljnih“ studenata koji traže da ih komisije ponovo ispitaju. Morate imati filter, i u smislu kriterija, i u ljudskom smislu. Ja sam prilagodio ono što je djelovalo nerearno ili bez roka.)

#### Član 69.

Studenti mogu prenijeti do 20% **akademskih obaveza** u narednu godinu studija, a detalji se određuju Pravilima studiranja, koje donosi Senat Univerziteta.

U toku akademske godine student može polagati završni dio ispita iz jednog predmeta najviše četiri puta: tri puta pred predmetnim nastavnikom, a četvrti put pred Komisijom koju formira Dekan fakulteta. Ako i nakon četvrtog puta ne položi ispit, student se ponovo uključuje u nastavni proces iz tog predmeta naredne akademske godine, u skladu sa drugim odredbama statuta.

(Mislim da je ovo isuviše liberalno i da potencijalno može trošiti dosta vremena osoblja: barem smanjiti na maksimum od tri puta i možda dodatno plaćanje za treći put?)

#### Član 70.

Student kome je prestao status studenta, može ponovo steći status studenta pod uslovima

- da univerzitet ima prostorne, kadrovske i druge uslove za omogućavanje nastavka studija;
- da student polaže ispite i izvršava

obaveze utvrđene nastavnim planom koji je u primjeni u vrijeme ponovnog sticanja statusa studenta.

Pravo na ponovno sticanje statusa studenta, u smislu prethodnog člana, student može koristiti samo jednom u toku studija. U odluci o odobravanju ponovnog sticanje statusa studenta utvrđuju se obaveze studenta u nastavku studija. Odluku o odobravanju ponovnog sticanja studenata donosi dekan.

#### Član 71.

Univerziteti garantuju mobilnost studenata i priznavanje ostvarenih bodova u toku dotadašnjeg obrazovanja na drugom Univerzitetu u skladu sa zakonom i pravilima Evropskog sistema prenosa i akumulacije bodova (ECTS - European Credit Transfer and Accumulation System) posredstvom međunarodnih programa za razmjenu studenata, ili na bazi bilateralnih ugovora između univerziteta.

U skladu sa ugovorom koji student zaključuje sa Univerzitetom ili bilateralnim ugovorom između univerziteta, studentu se priznaje ostvareni broj kredita sa univerziteta na kojem je boravio (proveo semestar ili studijsku godinu).

Student može steći do 60 ECTS bodova izvan univerziteta u stepenu od 240 bodova, ili 30 u slučaju programa od 180 bodova. Minimum od 120 bodova mora se steći na univerzitetu, osim ako u datom slučaju senat ne usvoji drugačije.

(Ovo je prijedlog kojim se regulira priznavanje, tako da studenti imaju obavezu da provedu ekvivalent dvije godine na univerzitetu u BiH. Ako se ovo smatra isuviše restriktivnim, moglo bi se smanjiti na 60 bodova ili jednu godinu studija)

Uz zahtjev za boravak na Univerzitetu student prilaže originalne dokumente predviđene ECTS pravilima za promjenu mjesta studiranja i to:

- formular za prijavljivanje studenta na drugom univerzitetu,
- ugovor o studiranju na drugom univerzitetu,
- prijepis ocjena,
- informacijski paket.

#### Član 72.

Univerzitet je dužan da **poduzme sve razumne korake** da studentima sa posebnim potrebama ravnopravno uključivanje u sve nastavno-naučne procese na Univerzitetu **u skladu sa zakonom**.

(Pitanje: kojim zakonom? Takvi zakoni postoje u Evropi, ali stav u BiH mi nije poznat. Namjera autora nacрта je pohvalna, ali nemoguća. Zakoni u SAD i u Evropi predviđaju „razumno prilagođavanje“ da se pomogne studentima sa posebnim potrebama da imaju pristup, koliko je moguće, predmetima itd. dostupnim onima koji nemaju takve potrebe. Međutim, jasno je ustanovljeno da se nekim predmetima, posebno kad su u pitanju medicina i slična područja, ne mogu uspješno baviti svi studenti sa onesposobljenjem.)

#### Član 73.

Uslovi i način uključivanja studenata u naučnoistraživački i umjetnički rad obavezno se regulišu nastavnim planom i programom.

#### Član 74.

Dodijeljivanje pohvala, nagrada i stipendija će se regulisati posebnim aktom Univerziteta.

#### Član 75.

Svakom studentu nakon ispunjenja svih **akademskih obaveza** predviđenim nastavnim planom i programom **ili drugim propisima** se dodjeljuje diploma.

Univerzitet je dužan svakom **takvom** studentu koji je ispunio sve obaveze predviđene nastavnim planom i programom izdati Dodatak diplomi, na dva jezika, od kojih je jedan u širokoj upotrebi, besplatno.

(Šta ako student nije platio školarinu? Ako ovo nije „predviđeno planom i programom“, mora biti predviđeno drugim propisom.)

#### Član 76.

Status studenta prestaje:

- kada student završi studije (diplomiranjem),
- kad se ispiše sa univerziteta (ispisom, odnosno u slučaju kada student kome ne miruju prava i obaveze i koji ne upiše narednu godinu studija, odnosno ne obnovi upis u istu godinu studija)

ja, izjednačava se sa studentom koji se ispisao sa univerziteta),

- ako se ne upiše u narednu akademsku/studijsku godinu, odnosno ne obnovi istu,
- ako ne završi studijski program u roku predviđenim studijskim programom i drugim općim aktima,
- ako se isključi sa studija iz razloga utvrđenih drugim općim aktima Univerziteta i **odgovarajuće organizacione jedinice** Univerziteta.

#### Član 77.

Univerzitet formira Disciplinsku komisiju koja ima nadležnost u slučajevima povrede obaveza studenata.

#### Član 78. (novi)

Senat donosi pravilnik koji predviđa pravične i nepristrasne mehanizme za rješavanje disciplinskih pitanja koja se tiču studenata.

#### Član 79.

Upravni odbor univerziteta će utvrditi pravila o zaštiti podataka o studentima u skladu sa zakonom koji regulira zaštitu podataka koji važi za sve građane.

#### Član 80.

Univerzitet sa svojim organizacionim dijelovima postupa po Zakonu o upravnom postupku kada rješava o pojedinačnim pravima i obavezama studenata

## POGLAVLJE XII NASTAVNICI, NAUČNI RADNICI I SARADNICI

#### Član 81.

Znanstveno-nastavnička zvanja su:

- redovni profesor
- vanredni profesor
- docent
- druga nastavna zvanja

#### Član 82.

Saradnička zvanja su:

- asistent
- lektor
- viši lektor
- umjetnički saradnik
- druga saradnička zvanja (prema potrebi)

#### Član 83.

Akademsko osoblje koje ima naučna zvanja bave se isključivo naučno-istraživačkim radom (u skladu sa zakonom o naučnoistraživačkoj djelatnosti) je:

- naučni savjetnik
- viši naučni saradnik
- naučni saradnik

#### Član 84.

Minimalni uvjeti za izbor ili imenovanje u akademska zvanja:

Za izbor u zvanje, akademsko osoblje pored navedenih uslova statuta mora da ispunjava i uslove utvrđene mjerilima za

izbor u odgovarajuće zvanje koja donosi senat, po prethodno pribavljenom mišljenju nadležnog tijela za visoko obrazovanje.

(Nije jasno šta je „nadležno visokoškolsko tijelo“. To bi vjerovatno mogla biti Rektor-ska konferencija?)

za saradnika (asistenta):

- završen drugi ciklus obrazovanja sa najmanjom prosječnom ocjenom osam (8) odnosno 3,5 ili adekvatno,

(Šta se podrazumijeva pod 8 ili 3.5?

- uslovi trebaju biti jasni.)

za lektora:

- drugi ciklus studija sa najmanjom prosječnom ocjenom studija osam (8), odnosno 3,5 ili adekvatno za višeg lektora:

- drugi ciklus studija sa najmanjom prosječnom ocjenom studija osam (8), dokazani rezultati u oblasti jezika, za docenta:

- naučni stepen doktora u datom području; najmanje tri (3) naučna rada objavljena u indeksiranim časopisima; pokazane nastavničke sposobnosti

za vanrednog profesora:

- svi uvjeti za docenta, plus najmanje četiri (4) naučna rada objavljena u indeksiranim časopisima, objavljena knjiga ili monografija i/ili originalni stručni uspjeh kao što je projekat, patent ili originalni metod; nastava i supervizija kandidata za drugi stepen studija.

za profesora:

- svi uvjeti za vanrednog profesora, plus najmanje dvije (2) objavljene knjige ili monografije, najmanje šest (6) naučnih radova objavljenih u indeksiranim časopisima nakon sticanja zvanja vanrednog profesora, uspješan nadzor kandidata za drugi i treći stepen studija i sudjelovanje u najmanje jednoj komisiji za sticanje doktorata nauka.

Član 85.

Uvjeti za izbor u akademska zvanja na stručno-umjetničkim predmetima su:

za saradnika (asistenta):

- završen drugi ciklus obrazovanja sa najmanjom prosječnom ocjenom osam (8) odnosno 3,5 ili adekvatno, za docenta:

- najmanje drugi ciklus obrazovanja ili ekvivalent, veći broj javno predstavljenih oblika umjetničkog stvaralaštva i pokazani rezultati u nastavno-umjetničkom radu, za vanrednog profesora:

- najmanje drugi ciklus obrazovanja ili ekvivalent, veći broj javno predstavljenih oblika umjetničkog stvaralaštva, priznanja za uspješno djelovanje u odgovarajućoj oblasti umjetnosti i pokazani rezultati u nastavno-umjetničkom radu, za profesora:

- najmanje drugi ciklus obrazovanja ili ekvivalent, veći broj javno predstavljenih oblika umjetničkog stvaralaštva koji su značajno

doprinijeli razvoju kulture i umjetnosti, te doprinos u podizanju nastavnog i umjetničkog kadra.

#### Član 86.

Asistent se bira na vrijeme od tri godine. Docent se bira za vrijeme od pet godina i može biti ponovo biran u isto zvanje još jednom.

Vanredni profesor se bira za vrijeme od šest godina i može biti ponovo biran u isto zvanje još jednom.

Redovni profesor se bira na neodređeno vrijeme.

U vremenske periode ne uračunava se vrijeme provedeno na porodiljskom odsustvu, bolovanju dužem od godinu dana i izvršavanju javne funkcije.

#### Član 87.

Više akademsko zvanje se može steći i prije roka navedenog u prethodnom članu, ukoliko je kandidat stekao uvjete za izbor u više zvanje i ukoliko je proveo najmanje tri godine u nastavi nakon posljednjeg izbora.

#### Član 88.

Svaki univerzitet regulira postupak izbora u zvanje i oduzimanja zvanja.

#### Član 89.

Nastavnici imaju pravo na slobodnu studijsku godinu, nakon 5 godina rada na univerzitetu.

**Svaki pet godina? Mislim da bi bilo bolje razmotriti sljedeće:**

(„Nastavno osoblje ima pravo da se obrati senatu za slobodnu studijsku godinu svakih sedam godina. Senat takvu molbu može odbiti ili prihvatiti takav zahtjev, na osnovu svog diskrecionog prava ili uslova o kojima odluči.

Zahtjev uključuje detalje o radu koji će se obavljati tokom slobodne studijske godine i očekivane rezultate i korist za univerzitet, organizacionu jedinicu i profesionalni razvoj člana osoblja, podnosi se organizacionoj jedinici na razmatranje prije nego što se da preporuka senatu. član nastavnog osoblja kojem se odobri slobodna studijska godina dužan je pripremiti izvještaj na način koji usvoji senat, koji sadrži detalje o onom što je ostvareno tokom odsustva, uključujući publikacije ili uspješno završene projekte. Izvještaj će se uzeti u obzir pri bilo kojoj narednoj prijavi za napredovanje ili drugi period odsustva.

Neispunjenje uslova slobodne studijske godine smatra se osnovom za raskid imenovanja.”)

### **POGLAVLJE XIII** **POČASNA ZVANJA** **I PRIZNANJA**

#### Član 90.

Univerzitet može dodjeljivati počasni doktorat istaknutim naučnim, kulturnim i drugim javnim osobama iz zemlje i inostranstva za izuzetan doprinos u pojedinim oblastima nastavnog, naučnog, istraživačkog, umjetničkog i drugog stvaralaštva.

Odluku o dodjeljivanju počasnog doktora donosi Senat na prijedlog najmanje tri Vijeća odjela Univerziteta.

Svečanu promociju počasnog doktora obavlja rektor.

#### Član 91.

Professor emeritus

Senat **može dodijeliti** počasno zvanje professor emeritus posebno zaslužnim pensionisanim radovnim profesorima koji su u dužem vremenu doprinosili unapređivanju i razvoju univerzitetske nastave i naučno-istraživačkog, odnosno umjetničkog rada.

Kriteriji za dodjelu zvanja professor emeritus su:

- duže vrijeme uspješno provedeno u nastavi (najmanje 10 godina),
- naučni, odnosno umjetnički doprinos kojim je kandidat javno afirmirao svoju struku,
- proizvođenje novih magistara i doktora nauka, odnosno koliko je puta (kojem broju kandidata) bio mentor,
- proizvedeni nasljednici u nastavi i nauci, odnosno da je kandidatu za svoju oblast odnosno predmet ostavio nastavnika - nasljednika,
- veći broj publikovanih naučnih knjiga značajnih za struku.

Professor emeritus može da bude angažiran:

- kao mentor pri izradi doktorskih, magistarskih i specijalističkih radova, te za ocjenu i odbranu istih,
- kao član u komisijama za izbor nas-

tavnika,

- za koordinaciju i rad u naučno-istraživačkim projektima,
- za održavanje dijela predavanja unutar predmeta u sva tri ciklusa studija.

#### Član 92.

Istaknutim nastavnicima i drugim zaposlenicima Univerziteta koji su svojim dugogodišnjim radom na univerzitetu dali poseban doprinos razvoju univerziteta kao i drugim pravnim licima i pojedincima koji su pomogli afirmaciju i razvoj univerziteta, mogu se ododijeliti priznanja u obliku povelje, plakete i novčane nagrade.

### POGLAVLJE XIV

#### OSIGURANJE KVALITETE

(Veliki dio ovog odjeljka je izjava o politici rada, a ne nešto što ima „pravnu snagu“. Ovo bi trebalo formalno usvojiti kao izjavu senata. Predlažem da se ovo uglavnom izbacij iz statuta, a zadrže osnovne tačke sa nekom vrstom pravne snage, u skladu sa verzijom koja slijedi.)

#### Član 93.

Senat univerziteta će formirati Komitet za osiguravanje kvalitete (KOK) kojim će predsjedavati prorektor a sastojat će se uglavnom od visoko kvalifikovanog nastavnog osoblja i/ili koji imaju iskustva u radu na pitanjima osiguravanja kvalitete i dolaze iz različitih organizacionih jedinica. KOK će u svom sastavu takođe imati i najmanje 20% predstavnika studenata i najmanje 20% predstavnika iz reda



spoljnih partnera. KOK će biti zadužen za pripremanje strategije i politike Univerziteta iz oblasti osiguravanja kvalitete, a zatim će podnositi prijedloge Rektoratu i Senatu za konačno usvajanje. Zadatak KOK-a će takođe biti da napravi kratkoročni i dugoročni plan za poboljšavanje kvalitete, i da nadgleda i koordinira procedure vezane za ovo pitanje. KOK-u će u njegovom radu pomagati i univerzitetska kancelarija za osiguravanje kvalitete, koja će pružati adekvatnu administrativnu i tehničku podršku u radu na osiguravanju kvalitete.

#### Član 94. (novi)

Univerzitet u potpunosti uzima u obzir interne smjernice za osiguranje kvaliteta, usaglašene na nivou zemlje (Rektorska konferencija), kao i međunarodne (Evropska univerzitetska asocijacija, ENQA, itd.).

#### Član 95.

Senat univerziteta odobrava formalne mehanizme za odobravanje, redovni monitoring i periodične preglede programa i diploma, i time osigurava njihovu kontinuiranu vrijednost. Univerzitet obezbijeduje učešće studenata u procedurama osiguravanja kvalitete, kao i konsultacije sa poslodavcima, predstavnicima radnika i drugim partnerima.

#### Član 96.

Učešće studenata je dio redovnog (godišnjeg) monitoring procesa, i uključuje ocjenjivanje predavanja, programa i profesora i njihovih predavačkih

sposobnosti od strane studenata, kao i konsultacije sa studentskim organizacijama i predstavnicima studenata u akademskim tijelima.

(Odjeljak o pravima studenata sada sadrži učešće studenata u ovim aktivnostima)

(Raniji član 100 bio je suprotan ranijem članu 70, koji je predviđao jednog profesora kao ispitivača. Mada ovo jeste bitno, mora biti konzistentno, pa sam ja to prebacio i sad je to član 67).

(Raniji član 101 je brisan, jer statut ovo ranije predviđa.)

#### Član 97.

Kao dio procesa strateškog planiranja, univerziteti osiguravaju da su resursi namijenjeni za podršku studentima pri učenju adekvatni i da odgovaraju svakom ponuđenom programu. Ovim se takođe osigurava da se prikupljaju, analiziraju i koriste samo relevantne informacije za efikasan menadžment njihovih studijskih programa i drugih aktivnosti za implementaciju strategije konstantnog unapređivanja kvaliteta.

#### Član 98.

Univerzitet će redovno publikovati kao dio svog godišnjeg izvještaja, svoje najnovije, nepristrane i objektivne informacije, kvantitativne i kvalitativne, o studijskim programima koji se nude i dodijeljenim diplomama.

#### Član 99.

Univerzitet je dužan utvrditi detaljne smjernice, kriterije, standarde i procedure za interno osiguravanje kvalitete posebnim univerzitetskim aktom.

### **POGLAVLJE XV** **ORGANI UNIVERZITETA**

(Ovo vjerovanto treba biti puno ranije u tekstu)

#### Član 100.

Organ upravljanja Univerzitetom je Upravni odbor. Najviše akademsko tijelo Univerziteta je Senat. Organ rukovođenja Univerzitetom je rektor. Na univerzitetu se mogu uspostaviti i drugi organi u skladu sa statutom.

#### Član 101.(novi)

Upravni odbor sastoji se od 15 članova:

- četiri predstavnika akademskog osoblja, koje iz svojih redova bira akademsko osoblje;
- sedam vanjskih članova (predstavnika osnivača i javnosti) koje imenuje osnivač;
- dva predstavnika studenata koje bira unija studenata;
- dva predstavnika neakademskog osoblja, koje iz svojih redova bira neakademsko osoblje.

(Nacrt se u statutu poziva sam na sebe. Broj članova u svakoj kategoriji, kvalifikacije za članstvo, ko imenuje, ko razrješavana, mandat, itd. Trebaju biti ovdje

regulirani kako to traži nacrt okvirnog zakona).

#### Član 102.(novi)

Vanjski članovi upravnog odbora imaju iskustvo i pokazali su sposobnosti u industrijskim, komercijalnim ili pitanjima radnih odnosa, ili u praksi u bilo kojoj struci, ili imaju iskustvo u visokom obrazovanju.

#### Član 103.(novi)

Prvi članovi upravnog odbora, osim predstavnika studenata, imaju imenovanje na period od četiri godine od dana stupanja ovog statuta na snagu. Predstavnici studenata imenuju se na dvije godine.

#### Član 104.(novi)

Na kraju prvog mandata, članovi samo jednom imaju pravo na reizbor.

#### Član 105.(novi)

Predsjednika i podpredsjednika upravnog odbora (u daljem tekstu: predsjednik i podpredsjednik) bira upravni odbor iz svojih vanjskih članova.

Mandat predsjednika i podpredsjednika odgovara njihovom mandatu u upravnom odboru, ili se ranije završava smrću, otkazom ili razrješenjem, kako je ovdje predviđeno u daljem tekstu.

#### Član 106.(novi)

Član može biti razriješen dvotrećinskom većinom glasova upravnog odbora, iz jasnih razloga, definiranih kako slijedi:

- (a) izrečena kazna za teško krivično djelo definirano zakonima BiH;
- (b) djelovanje na način koji će vjerovatno diskreditirati univerzitet;
- (c) nemogućnost obavljanja funkcije zbog fizičke ili mentalne nesposobnosti, potvrđene nezavisnim medicinskim izvještajem ljekara kojeg imenuje upravni odbor;
- (d) ponašanje koje predstavlja neizvršenje, ili stalno odbijanje, ili nemar, ili nesposobnost za vršenje dužnosti koje to mjesto traži.

#### Član 107.(novi)

Predsjednik predsjedava upravnim odborom. Podpredsjednik predsjedava upravnim odborom u odsustvu predsjednika, i vrši sve druge dužnosti predsjednika u toku bolesti ili druge vrste spriječenosti predsjednika. Predsjedavajući upravnog odbora će za sada imati i izvorno i glasačko pravo glasa.

#### Član 108.

##### Senat

Senat čine

- Rektor
- Prorektori
- po jedan član izabran iz reda i od strane akademskog osoblja, po pravilu sa najvišim zvanjem, na svakom fakultetu, akademiji, institutu i samostalnoj visokoj stručnoj školi, bez obzira na broj stalno zaposlenih u akademskom zvanju, i još po jedan

- dodatni član za fakultet, odnosno akademiju koja ima više od 25 stalno zaposlenih u akademskom zvanju, i predstavnici studenata u broju koji ne može biti manji od 20% ukupnog broja članova Senata, s tim da u strukturi budu zastupljeni redovni studenti dodiplomskih studija, studenti postdiplomskih i doktorskih studija.

Postupak kandidiranja i izbora reguliše se zakonom i pravilima koja usvoji upravni odbor.

(Isto: nacrt statuta ne propisuje procedure.)

#### Član 109.

Senat može da obrazuje vijeća, komisije ili druga radna tijela radi davanja mišljenja ili prijedloga o određenim pitanjima iz djelokruga svog rada.

#### Član 110.

##### Rektor

Rektor zastupa i predstavlja Univerzitet. Rektora se bira iz reda redovnih profesora, na osnovu konkursa, **na period od četiri godine, sa mogućnošću jednog reizbora.** Rektor ne može istovremeno vršiti dužnost dekana, direktora organizacione jedinice Univerziteta ili imati bilo koju drugu rukovodeću funkciju na Univerzitetu. Na prijedlog rektora biraju se prorektori, koji mu pomažu u poslu **i trajanje mandata je isto kao mandat rektora.**

## **POGLAVLJE XVI**

### **ORGANI**

#### **ORGANIZACIONIH JEDINICA**

#### Član 111.

Organi organizacione jedinice su:

- vijeće,
- dekan.

#### Član 112.

Vijeće čine:

- dekan
- prodekani
- nastavnici u znanstveno-nastavnim i nastavnim zvanjima u stalnom radnom odnosu,
- predstavnici saradnika u stalnom radnom odnosu [na osnovu jednog asistenta na četiri nastavnika na puno radno vrijeme](#) i
- predstavnici studenata u broju koji ne može biti manji od 20% ukupnog broja članova vijeća.

#### Član 113.

Organ rukovodjenja organizacionom jedinicom je dekan. Dekan se bira iz reda [akademskog osoblja](#) sa nastavno-naučnim, nastavno-umjetničkim zvanjem. Dekana bira vijeće organizacione jedinice. Postupak kandidiranja i izbora reguliše [senat na osnovu pravila](#).

[\(Nacrt se poziva na sam statut.\)](#)

#### Član 114.

Organizaciona jedinica može imati do tri prodekana. Dužnosti prodekana određuje dekan.

## **POGLAVLJE XVII**

### **STUDENSKO**

#### **ORGANIZOVANJE**

#### Član 115.

Unija studenata je krovna organizacija studenata [koju čine svi upisani studenti](#) i koja djeluje u sastavu Univerziteta [i nema samostalan pravni status](#).

#### Član 116.

Rad unije studenata reguliše se njenim autonomnim aktima a odnosi sa univerzitetom statutom i posebnim pravilnikom Univerziteta [koji je usvojio upravni odbor](#).

#### Član 117.

Unija studenata finansira se iz budžeta Univerziteta i ostvarivanjem vlastitih prihoda [i finansijski odgovara upravnom odboru univerziteta na isti način kao i druge organizacione jedinice](#).

[\(Za novčana sredstva mora postojati ista odgovornost.\)](#)

## **POGLAVLJE XVIII**

### **JAVNOST**

#### **RADA**

#### **UNIVERZITETA**

#### Član 118.

Rad Univerziteta je javan. Univerzitet je dužan pravodobno i istinito obavještavati javnost o obavljanju svojih djelatnosti.

Univerzitet obavještava javnost putem sredstava javnog informiranja, davanjem

pojedinačnih usmenih obavijesti, izdavanjem redovnih i posebnih publikacija, te oglašavanjem na oglasnim pločama i internetskim stranicama Univerziteta i njegovih odjela. Univerzitet ima vlastito glasilo.

## **POGLAVLJE XIX** EVIDENCIJA I JAVNE ISPRAVE

### Član 119.

Univerzitet vodi evidencije o :

- studentima dodiplomskog studija;
- studentima postdiplomskog studija;
- ispitima;
- uspjehu studenata na kraju školske godine;
- izdatim diplomama;
- studentima koji su završili studij prije utvrđenog roka,
- studentima, nosiocima univerzitetskih priznanja;
- studentima kojima su izrečene mjere zbog povrede obaveza studenata
- licima koja su stekli višu, visoku stručnu spremu, odnosno naučni stepen magistra i doktora nauka;
- zaposlenom osoblju i osoblju pod ugovorom;
- izboru u zvanje
- imovini, komercijalnim ugovorima, finansijskom poslovanju jedinica Univerziteta;
- naučno-istraživačkim projektima, izdavačkim projektima i sl.;
- bibliotečkim jedinicama odjela Univerziteta;
- svim drugim podacima koje odredi

- Upravni odbor Univerziteta;
- druge evidencije utvrđene opštim aktima Univerziteta.

### Član 120.

Općim aktima Univerziteta propisat će se način vođenja evidencija.

Matične knjige i evidencije o izdatim diplomama trajno se čuvaju.

Zaštita podataka iz evidencija koji su lične i povjerljive prirode vrši se na [način propisan zakonima o zaštiti podataka](#).

### Član 121.

Javne isprave koje izdaje univerzitet su:

- diploma o stečenom stepenu stručne spreme,
- diploma o stečenom naučnom stepenu magistra i naučnom stepenu doktora nauka,
- Dodatak diplomi
- indeks, ispisnica, uvjerenje o diplomiranju,
- uvjerenje o položenim ispitima,
- uvjerenje o uspjehu u studiju i
- uvjerenje o učešću u pojedinim oblicima stručnog usavršavanja.

## **POGLAVLJE XX** PRIZNAVANJE I NOSTRIFIKACIJA STUDIJA, POTVRDA, DIPLOMA I STEPENA STUDIJA

### Član 122.

Univerzitet ima ovlaštenje da prizna period studiranja, potvrde, diplome i stepen studija koje je student stekao/pohađao izvan teritorije Bosne i Hercegovine, kako

iz razloga nastavka studija istog nivoa stepena, tako i zbog upisa na viši nivo stepen studija.

#### Član 123.

Univerzitet je dužan donositi odluke o priznavanju i nostrifikaciji na osnovu odgovarajućih informacija o kvalifikacijama ili periodima studija za koje se priznavanje i nostrifikacija traži.

#### Član 124.

Za početak (na prvoj instanci), kandidat je dužan savjesno obezbijediti sve adekvatne informacije.

#### Član 125.

I pored odgovornosti kandidata da dostavi sve neophodne informacije, Univerzitet može zatražiti dodatne relevantne informacije od inostrane institucije koja je kandidatu dodijelila datu kvalifikaciju, odnosno od institucije u kojoj se odvijao dotični studij.

#### Član 126.

Univerzitet može zatražiti dodatne informacije od kompetentnih organa vlasti na državnom (npr. ENIC centar), entitetskom ili kantonalnom nivou o pitanjima priznavanja i nostrifikacija.

#### Član 127.

Univerzitet je dužan poštovati direktive odnosno pravila koja regulišu pitanja priznavanja i nostrifikacije, a koja su usvojili nadležni organi vlasti na državnom (npr. ENIC centar), entitetskom ili kantonal-

nom nivou u skladu sa zakonom.

(Ovo je bilo nejasno.)

#### Član 128.

Univerzitet je u principu dužan priznati period studiranja studenta koji je završio studij u okviru programa visokog obrazovanja u nekoj drugoj zemlji, osim ako se ne ustanovi da postoje velike tematske razlike u programu između ovog perioda studiranja i dijela univerzitetskog programa koji student traži da mu se prizna. U ovom drugom slučaju, kandidat koji je zatražio priznavanje studija imat će mogućnost da Univerzitet obavi procjenu perioda njegovog studiranja koje on traži da mu se prizna.

#### Član 129.

Univerzitet je u principu dužan priznati kvalifikaciju visokog obrazovanja studenta koji je završio studij u nekoj drugoj zemlji, i to u toj mjeri da se nostrifikacija zasniva na znanju stečenom i potvrđenom tom kvalifikacijom, osim ako se ne ustanovi da postoje velike tematske razlike u programu između kvalifikacije za koju se priznavanje traži i odgovarajuće kvalifikacije koja se stiče na ovom Univerzitetu. U ovom drugom slučaju, kandidat koji je zatražio priznavanje imat će mogućnost da Univerzitet obavi procjenu njegove kvalifikacije.

#### Član 130.

Procedure priznavanja perioda studiranja, potvrda, diploma i stepena studija vrše

se preko univerzitetske kancelarije za nostrifikaciju, koju formira Univerzitet. Univerzitetska kancelarija za priznavanje će pružati adekvatnu administrativnu i tehničku podršku iz oblasti nostrifikacija diploma i priznavanja perioda studija, i bit će zadužena za nadgledanje i koordinaciju procedura priznavanja.

#### Član 131.

Univerzitetska kancelarija za priznavanje će blisko surađivati sa državnim ENIC centrom, posebno kada su im potrebne detaljne komparativne informacije o inostranim obrazovnim strukturama i institucijama.

#### Član 132.

Univerzitetska kancelarija za priznavanje će blisko surađivati sa organizacionim jedinicama Univerziteta, kada se bude radilo na sistemskim nostrifikacijama u drugim zemljama.

#### Član 133.

U pojedinačnim slučajevima, univerzitetska kancelarija za priznavanje će tražiti stručno mišljenje o uporedivosti date kvalifikacije, a mišljenje treba doći od tri nezavisna procjenitelja, stručnjaka iz oblasti kvalifikacije koju treba procijeniti.

#### Član 134.

Odluke o priznavanju donosit će **senat ili uz ovlaštenje koje povjeri senat** na osnovu opravdanog prijedloga univerzitetske kancelarije za priznavanje.

(Mislim da bi za konzistentnost bilo bolje da odluke, barem formalno, donosi univerzitet, mada će, očigledno, doprinos imati i organizaciona jedinica.)

#### Član 135.

Univerzitet je dužan usvojiti detaljne procedure vezane za priznavanje i nostrifikaciju diploma. Ove procedure moraju biti regulisane posebnim aktom.

### **POGLAVLJE XXI**

#### OPŠTI AKTI

#### UNIVERZITETA

#### I NAČIN NJIHOVOG

#### DONOŠENJA

(Pošto se radi o specifičnoj materiji za svaki pojedinačni univerzitet, statut pojedinačnog univerziteta će obraditi ovu materiju, u skladu sa zakonom.)

### **POGLAVLJE XXII**

#### PRELAZNE I

#### ZAVRŠNE ODREDBE

(Pošto se radi o specifičnoj materiji za svaki pojedinačni univerzitet, statut pojedinačnog univerziteta će obraditi ovu materiju, u skladu sa zakonom.)

# GLAVNA PITANJA VEZANA ZA PROTOTIP STATUTA

## Prilog

**Dennis J Farrington**

BSc LLB LLM DPhil AdvDipEd FRSA

Konsultant za obrazovanje

i Pravni fakultet, Univerzitet jugoistočne Evrope

### **1. GLAVE VII i VIII u vezi sa unutrašnjom strukturuom univerziteta.**

**Mislim da nisu u potpunosti u skladu sa ciljem predstojećeg zakona na državnom nivou da se stvori autonoman, jedinstven univerzitet, sa ograničenim ovlaštenjima za organizacione jedinice. Kroz svoj upravni odbor, univerzitet (ne senat, mada će on očigledno inicirati promjene) mora imati ovlaštenje da organizira svoju unutrašnju strukturu i mora imati kontrolu nad financijama. Predlaže se da se u potpunosti brišu sadašnji članovi 13-20 i da se zamijene tekstom koji je kompatibilan sa namjerom okvirnog zakona kako je objašnjeno u popratnom izvještaju.**

### **GLAVA VII**

Prava i dužnosti organizacionih jedinica u pravnim poslovima

#### Član 13

Organizacione jedinice nisu ovlaštene da stvaraju finansijske ili pravne obaveze za univerzitet, osim u skladu sa pravilima koje usvoji upravni odbor, koja će predviđeti da ugovori i drugi poslovi sa pravnom snagom budu odobreni od strane ili u ime rektora, i da je univerzitet pravno odgovoran za takve poslove.

#### Član 14

Upravni odbor usvaja pravila za povjerenje rukovodne odgovornosti za budžet i ovlaštenje za troškove dodijeljene podračunima organizacionih jedinica.



### Član 15

Sredstva ostvarena istraživačkim projektima ili drugim inicijativama organizacione jedinice dijele se između univerziteta i date organizacione jedinice u skladu sa formulom koju je usvojio upravni odbor unutar pravila rukovodne odgovornosti predviđenih članom 14.

Nikakvu aktivnost, formalnu ili neformalnu, neće poduzimati nijedan član bilo koje organizacione jedinice, u bilo kojoj stvari koja ima mogućnost da stvara bilo kakvo pravo na intelektualno vlasništvo, bez prethodnih konsultacija sa rektorom ili osobom koju rektor imenuje.

**(Napomena: Ova odredba je nova, ali je radna grupa vjerovatno previdjela. Ako i kad bosanskohercegovački univerziteti usvoje istraživačka usmjerenja koja će dovesti do komercijalne eksploatacije, od vitalnog je značaja da univerzitet zadrži kontrolu. U međuvremenu, pozicija mora biti jasna.)**

### Član 16

Organizaciona jedinica u administraciji univerziteta vodi zasebno računovodstvo za prihod koji ostvari.

### Član 17

Organizaciona jedinica može trećim licima periodično pružati usluge profesionalnog razvoja, kao što su seminari i kursevi koji nisu definirani kao obrazovni stepeni, i može u te svrhe izdavati odgovarajuća uvjerenja. Takva uvjerenja nemaju

zvanični status kvalifikacije koju daje univerzitet, osim ako senat za to ne da saglasnost.

**(Napomena: Raniji članovi 21-24 ne odražavaju istinsku autonomiju univerziteta, kako je to dato u članu 23(ii) nacрта okvirnog zakona o "organizaciji sopstvenih struktura". Od univerziteta se u ovome očekuje da preuzme svoju odgovornost, kroz upravni odbor. U praksi, kako je vlada zastupljena u upravnom odboru (vanjski članovi koji predstavljaju osnivača), može iznositi svoje mišljenje.)**

## GLAVA VIII

Promjene statusa: uspostava novih organizacionih jedinica, odsjeka, itd.

Renum. član 18 (trenutno 21)

Upravni odbor univerziteta može vršiti promjene statusa (organizacija novih jedinica, spajanje, pripajanje, podjela, razdvajanje, obustava rada).

Renum. član 19 (trenutno 22, 24)

Inicijativu za promjenu statusa pokreće senat univerziteta, na osnovu studije izvodljivosti.

**2. GLAVA X: članovi 48-53 nacрта traže određene dorade, da odraze ono što je izrečeno u diskusijama radnih grupa, konzistentnost odjeljka o doktorskom studiju sa savremenim trendovima, i da generalno odjeljak bude lakši za razumjeti. Predlažem sljedeće,**

**sada dato u renumeriranim članovima 42-46:**

Doktorski studij (treći ciklus)

Renum. član 42 (trenutno 48)

Kandidat završava treći (doktorski) ciklus uspješnim završetkom perioda studiranja i istraživačkog rada ekvivalentom periodu od 3-4 godine nakon uspješnog završetka drugog ciklusa. Kandidat taj period može provesti na univerzitetu ili u istraživačkoj ustanovi koju univerzitet priznaje, a u skladu sa zakonom.

Renum. član 43 (trenutno 49)

Period studija i istraživačkog rada smatra se završenim uspješnom odbranom doktorske disertacije, uključujući objavljivanje rezultata istraživanja u indeksiranoj publikaciji. Disertacija se može podnijeti na pregled najkasnije prije isteka perioda duplo dužeg od perioda za koji se kandidat inicijalno prijavio.

Renum. član 44 (trenutno 50)

Period studija i istraživačkog rada je strukturirani program sa nadzorom, određen za svaki pojedinačni slučaj, u zavisnosti od prijedloga date organizacione jedinice koji, u svakom slučaju, odobrava senat.

Renum. član 45 (trenutno 51, 52)

Metod nadzora nad istraživačkim radom, kao i procedure ocjene kandidata koji pripremaju doktorate, će biti opisan u poslovniku koji će usvojiti senat, a koji može uvesti zasebne ECTS sisteme za studij i za istraživački rad, i koji će garantirati transparentnost procesa.

**(Napomena: doktorski studij, bilo zvanje doktora nauka ili doktora u struci (DEd, DBA, DProf Stud etc) sada sadrži manje ili više "čistog istraživanja", "primijenjenog istraživanja", rasporeda ili drugih studija. Raniji član 50 je zastario. Ne radi se o "predavanjima", već o učešću u širem pedagoškom procesu, tj. u seminarima, radionicama, praktičnoj obuci, itd. Odrediti maksimalne ili minimalne uslove za studijski element u statutu je pogrešno.)**

Renum. član 46 (trenutno 53)

Kandidat trećeg ciklusa smatra se studentom (dokorskog studija) ali i istraživačkim radnikom na početnom nivou.

---

**3. GLAVA XI: Ovdje su izostavljene neke vrlo bitne stvari, neke koje propisuje okvirni zakon, a neke od temeljnog značaja na savremenim evropskim univerzitetima. Ja predlažem potpuno nove članove - renumerirane 60-80, umjesto cijele Glave XIV o ispitima i disciplini. Raniji član 68 o pravima i**

**obavezama djelovao mi je dosta konfuzno i nepotpuno, pa sam ga preformulirao u renumerirani član 65.**

Renum. član 60 (novi - po zakonu)

Studenti, u skladu sa zakonom, imaju pravo da preispitaju i testiraju dobijeno znanje i nude nove ideje i kontroverzna i nepopularna mišljenja, a da se pri tome ne izlažu opasnosti da će izgubiti svoje mjesto ili bilo koju povlasticu koju mogu imati u datoj instituciji.

Renum. član 61 (novi - po zakonu)

Studenti imaju slobodu govora, organizacije i okupljanja u skladu sa zakonom.

Renum. član 62 (novi - po zakonu)

Nijedan student neće biti izložen diskriminaciji na bilo kom osnovu kao što su spol, rasa, seksualna orijentacija, bračno stanje, boja kože, jezik, vjeroispovijest, političko ili drugo mišljenje, nacionalno, etničko ili socijalno porijeklo, veza sa nekom nacionalnom zajednicom, imovina, rođenje ili drugi.

Renum. član 63 (novi - po zakonu - i 98)

Studenti imaju pravo da izražavaju svoje stavove o kvalitetu nastave ili drugih uslova u ustanovi, a statut će predvidjeti pravično rješavanje pritužbi.

Renum. član 64 (trenutno 67)

Studenti koji ispunjavaju uslove za upis na određeni studijski program mogu steći status studenta.

Studenti mogu imati status redovnog ili vanrednog studenta.

Renum. član 65 (trenutno 68 i 97)

Studenti imaju obaveze da

- se upoznaju sa pravima, obavezama i dužnostima na početku akademske godine;
- u potpunosti učestvuju u akademskom radu univerziteta i organizacione jedinice na koju su upisani;

i povezana prava

- da im se ponude časovi u skladu sa planom i programom, rasporedom nastave i ispita;
- da završe svoj studij u propisanom roku, pod uslovom da ostvare odgovarajući napredak;
- da budu u stanju da završe studij u skladu sa nastavnim planom i programom pod kojim su se upisali, uzimajući u obzir prirodni razvoj predmeta koji izučavaju;
- da prisustvuju predavanjima, seminarima i drugim oblicima nastave;
- da koriste biblioteke i druge usluge za studente koje pruža institucija;
- da učestvuju u izborima za studentska predstavnička tijela i

- druga tijela ustanovljena u skladu sa statutom institucije;
- u slučaju javnih visokoškolskih ustanova, na priznavanje bodova prenesenih između visokoškolskih ustanova unutar ili izvan Bosne i Hercegovine, na osnovu multilateralnih i bilateralnih sporazuma;
  - da pristupaju ispitima u skladu sa unaprijed određenim kriterijima;
  - da učestvuju u procedurama za osiguranje i unaprjeđenje kvaliteta.

Renum. član 66 (trenutno 69)

Visokoškolska ustanova će razviti sistem kontinuirane provjere znanja, evaluacije i ocjenjivanja znanja studenata tokom semestra, i odrediti metod završne provjere znanja.

Renum. član 67 (trenutno 100)

Provjera znanja studenata obavlja se na osnovu transparentnih i objavljenih kriterija, odredbi i procedura koje se konzistentno primjenjuju. Kadgod je to moguće, provjera znanja studenta neće se zasnivati na ocjeni jednog ispitivača.

**(preneseno iz odjeljka o osiguranju kvaliteta)**

Renum. član 68 (trenutno 70)

Student koji je nezadovoljan rezultatima konačne provjere može podnijeti prigovor uredu dekana u toku narednog radnog

dana nakon objave rezultata.

Prigovor može biti u vezi sa sljedećim: administrativna greška, ispit ili provjera znanja koji nisu u skladu sa planom i programom, korumpirana ili na drugi način nezakonita praksa, faktori koji utječu na sposobnosti (npr. bolest). Neće se razmatrati prigovor koji se odnosi samo na akademski sud člana.

Dekan ima obavezu da razmotri prigovor i ako odluči da je isti validan, formira tročlanu komisiju koju čini akademsko osoblje, u roku od pet radnih dana da ponovi ispit studenta u periodu koji ne ugrožava akademski napredak studenta. Predsjedavajući komisije je istog ili višeg zvanja od onog člana osoblja čija je provjera znanja predmet pritužbe. Odluka dekana, odnosno komisije, je konačna, i nema dalje mogućnosti žalbe unutar univerziteta.

Profesor kod kojeg je student polagao ispit kojim je nezadovoljan ne može predsjedati komisijom ili biti njen član, ali ima pravo da joj se obrati.

**(Kako je formulirano, ovo je dosta otvoreno i moglo bi rezultirati stotinama "nezadovoljnih" studenata koji traže da ih komisije ponovo ispitaju. Morate imati filter, i u smislu kriterija, i u ljudskom smislu. Ja sam prilagodio ono što je djelovalo nerealno ili bez roka.)**

Renum. član 69 (trenutno 71)

Studenti mogu prenijeti najviše 20% svojih akademskih obaveza u narednu godinu studija, a detalje će odrediti Pravila studiranja, koja usvaja senat univerziteta. Tokom akademske godine, student može pristupiti završnom dijelu ispita najviše četiri puta: tri puta kod predmetnog nastavnika, a četvrti put pred komisijom koju ustanovi dekan fakulteta.

Ako četvrti put ne bude uspješšan, student isti predmet pohađa naredne akademske godine, u skladu sa odredbama statuta.

**(Mislim da je ovo isuviše liberalno i da potencijalno može trošiti dosta vremena osoblja: barem smanjiti na maksimum od tri puta i možda dodatno plaćanje za treći put? Naravno, činjenica da je student pao 1, 2 ili 3 puta će se vjerovatno izraziti u Dodatku diplomi)**

Renum. član 70 (trenutno 72)

Student kome je prestao status studenta, može ponovo steći status studenta pod uslovima

- da univerzitet ima prostorne, kadrovske i druge uslove za omogućavanje nastavka studija;
- da student polaže ispite i izvršava obaveze utvrđene nastavnim planom koji je u primjeni u vrijeme ponovnog sticanja statusa studenta.

Pravo na ponovno sticanje statusa studenta, u smislu prethodnog člana, student može koristiti samo jednom u toku studija.

U odluci o odobravanju ponovnog sticanja statusa studenta utvrđuju se obaveze studenta u nastavku studija.

Odluku o odobravanju ponovnog sticanja studenata donosi dekan.

Renum. član 71 (trenutno 73)

Univerziteti garantuju mobilnost studenata i priznavanje ostvarenih bodova u toku dotadašnjeg obrazovanja na drugom Univerzitetu u skladu sa zakonom i pravilima Evropskog sistema prenosa i akumulacije bodova (ECTS - European Credit Transfer and Accumulation System), kroz programe razmjene studenata ili na osnovu bilateralnih sporazuma između univerziteta.

U skladu sa ugovorom koji student zaključuje sa Univerzitetom ili bilateralnim ugovorom između univerziteta, studentu se priznaje ostvareni broj kredita sa univerziteta na kojem je boravio (proveo semestar ili studijsku godinu).

Student može steći do 60 ECTS bodova izvan univerziteta u stepenu od 240 bodova, ili 30 u slučaju programa od 180 bodova. Minimum od 120 bodova mora se steći na univerzitetu, osim ako u datom slučaju senat ne usvoji drugačije.

**(Ovo je prijedlog kojim se regulira priznavanje, tako da studenti imaju obavezu da provedu ekvivalent dvije godine na bh. univerzitetu. Ako se ovo smatra isuviše restriktivnim, moglo bi se smanjiti na 60 bodova ili jednu godinu studija)**

Uz zahtjev za boravak na Univerzitetu, student prilaže originalne dokumente predviđene ECTS pravilima za promjenu mjesta studiranja i to:

- formular za prijavljivanje studenta na drugom univerzitetu,
- ugovor o studiranju na drugom univerzitetu,
- prijepis ocjena,
- informacijski paket.

Renum. član 72 (trenutno 74)

Univerzitet je dužan osigurati studentima sa posebnim potrebama ravnopravno uključivanje u sve nastavno-naučne procese na Univerzitetu u skladu sa zakonom.

**(Pitanje: kojim zakonom? Takvi zakoni postoje u Evropi, ali stav u BiH mi nije poznat. Namjera autora nacрта je pohvalna, ali nemoguća. Zakoni u SAD i u Evropi predviđaju "razumno prilagođavanje" da se pomogne studentima sa posebnim potrebama da imaju pristup, koliko je moguće, predmetima itd. dostupnim onima koji nemaju takve potrebe. Međutim, jasno je ustanovljeno da se nekim predmetima, posebno kad su u pitanju medicina i slična područja, ne mogu uspješno baviti svi studenti sa onesposobljenjem.)**

Renum. član 73 (trenutno 75)

Uslovi i način uključivanja studenata u

naučnoistraživački i umjetnički rad obavežno se regulišu nastavnim planom i programom.

Renum. član 74 (trenutno 76)

Dodijeljivanje pohvala, nagrada i stipendija će se regulisati posebnim aktom Univerziteta.

Renum. član 75 (trenutno 77)

Svakom studentu nakon ispunjenja svih obaveza predviđenim nastavnim planom i programom se dodjeljuje diploma.

Univerzitet je dužan svakom studentu koji je ispunio sve obaveze predviđene nastavnim planom i programom izdati Dodatak diplomi, na dva jezika, od kojih je jedan u širokoj upotrebi, besplatno.

**(Šta ako student nije platio školarinu? Ako ovo nije "predviđeno planom i programom", mora biti predviđeno drugim propisom.)**

Renum. član 76 (trenutno 78)

Status studenta prestaje:

- kada student završi studije (diplomiranjem),
- kad se ispiše sa univerziteta (ispisom, odnosno u slučaju kada student kome ne miruju prava i obaveze i koji ne upiše narednu godinu studija, odnosno ne obnovi upis u istu godinu studija, izjednačava se sa studentom koji se ispisao sa univerziteta)

- ako se ne upiše u narednu akademsku/studijsku godinu, odnosno ne obnovi istu,
- ako ne završi studijski program u roku predviđenim studijskim programom i drugim općim aktima,
- ako se isključi sa studija iz razloga utvrđenih drugim općim aktima Univerziteta i jedinice Univerziteta.

Renum. član 77 (trenutno 79)

Univerzitet formira Disciplinsku komisiju koja ima nadležnost u slučajevima povrede obaveza studenata.

Renum. član 78 (novi - po zakonu)

Senat donosi pravilnik koji predviđa pravične i nepristrasne mehanizme za rješavanje disciplinskih pitanja koja se tiču studenata.

Renum. član 79 (trenutno 80)

Upravni odbor univerziteta će utvrditi pravila o zaštiti podataka o studentima u skladu sa zakonom o zaštiti podataka koji se odnosi na sve građane.

Renum. član 80 (trenutno 81)

Univerzitet sa svojim organizacionim dijelovima postupa po Zakonu o upravnom postupku kada rješava o pojedinačnim pravima i obavezama studenata.

---

#### **4. GLAVA XIV: Pojednostavljeno: neki odjeljci premješteni, a ostatak se predlaže kako slijedi:**

Renum. član 93 (trenutno 96)

Univerzitet će formirati Komitet za osiguravanje kvalitete (KOK) kojim će predsjedavati prorektor a sastojat će se uglavnom od visoko kvalifikovanog nastavnog osoblja i/ili koji imaju iskustva u radu na pitanjima osiguravanja kvalitete i dolaze iz različitih org. jedinica. KOK će u svom sastavu takođe imati i najmanje 20% predstavnika studenata i najmanje 20% predstavnika iz reda spoljnjih partnera. KOK će biti zadužen za pripremanje strategije i politike Univerziteta iz oblasti osiguravanja kvalitete, a zatim će podnositi prijedloge Rektor i Senatu za konačno usvajanje. Zadatak KOK -a će takođe biti da napravi kratkoročni i dugoročni plan za poboljšavanje kvalitete, i da nadgleda i koordinira procedure vezane za ovo pitanje. KOK -u će u njegovom radu pomagati i univerzitetska kancelarija za osiguravanje kvalitete, koja će pružati adekvatnu administrativnu i tehničku podršku u radu na osiguravanju kvalitete.

Renum. član 94 (trenutno 105)

Univerzitet će u potpunosti uzeti u obzir smjernice o internom osiguravanju kvalitete, dogovorene na državnom (rektorska konferencija) i međunarodnom (European University Association, ENQA

itd.) nivou.

Renum. član 95 (trenutno 97)

Univerzitet ima formalne mehanizme za odobravanje, redovni monitoring i periodične preglede programa i diploma, i time osigurava njihovu kontinuiranu vrijednost. Univerzitet obezbijeduje učešće studenata u procedurama osiguravanja kvalitete, kao i konsultacije sa poslodavcima, predstavnicima radnika i drugim partnerima.

Renum. član 96 (trenutno 98)

Učešće studenata je dio redovnog (godišnjeg) monitoring procesa, i uključuje ocjenjivanje predavanja, programa i profesora i njihovih predavačkih sposobnosti od strane studenata, kao i konsultacije sa studentskim organizacijama i predstavnicima studenata u akademskim tijelima.

**(Odjeljak o pravima studenata sada sadrži učešće studenata u ovim aktivnostima; raniji član 100 bio je suprotan ranijem članu 70, koji je predviđao jednog profesora kao ispitivača. Mada ovo jeste bitno, mora biti konzistentno, pa sam ja to prebacio i sad je to član 67; raniji član 101 je brisan, jer statut ovo ranije predviđa.)**

Renum. član 97 (trenutno 102)

U svom procesu strateškog planiranja,

univerziteti osiguravaju da su resursi namjenjeni za podršku studentima pri učenju adekvatni i da odgovaraju svakom ponuđenom programu. Ovim se takođe osigurava da se prikupljaju, analiziraju i koriste za provedbu strategije kontinuiranog unaprjeđenja kvaliteta samo relevantne informacije za efikasan menadžment njihovih studijskih programa i drugih aktivnosti.

Renum. član 98 (trenutno 104)

Univerzitet će redovno publikovati, kao dio svog godišnjeg izvještaja, najnovije, nepristrasne i objektivne informacije, kvantitativne i kvalitativne, o studijskim programima koji se nude i dodijeljenim diplomama.

Renum. član 99 (trenutno 106)

Univerzitet je dužan utvrditi detaljne smjernice, kriterije, standarde i procedure za interno osiguravanje kvalitete posebnim univerzitetskim aktom.

---

**5. GLAVA XV: Da li je neophodno precizirati sastav itd. upravnog tijela, a ne samo reći da je "propisao statutom", što je pozivanje na isti dokument. Ja ovdje predlažem novu strukturu.**

Renum. član 100 (trenutno 107)

Organ upravljanja Univerzitetom je



Upravni odbor.

Najviše akademsko tijelo Univerziteta je Senat.

Organ rukovodjenja Univerzitetom je rektor.

Na univerzitetu se mogu uspostaviti i drugi organi u skladu sa statutom.

Renum. član 101 (trenutno 108)

Upravni odbor sastoji se od 15 članova:

- četiri predstavnika akademskog osoblja koje iz svojih redova bira akademsko osoblje;
- sedam vanjskih članova (predstavnika osnivača i javnosti) koje imenuje osnivač;
- dva predstavnika studenata koje bira unija studenata;
- dva predstavnika neakademskog osoblja koje iz svojih redova bira neakademsko osoblje.

Renum. član 102 (novi)

Vanjski članovi upravnog odbora imaju iskustvo i pokazali su sposobnosti u industrijskim, komercijalnim ili pitanjima radnih odnosa, ili u praksi u bilo kojoj struci, ili imaju iskustvo u visokom obrazovanju.

Renum. član 103 (novi)

Prvi članovi upravnog odbora, osim predstavnika studenata, imaju imenovanje na period od četiri godine od dana stupanja ovog statuta na snagu. Predstavnicu stu-

denata imenuju se na dvije godine.

Renum. član 104 (novi)

Na kraju prvog mandata, članovi samo jednom imaju pravno na reizbor.

Renum. član 105 (novi)

Predsjednika i podpredsjednika upravnog odbora (u daljem tekstu: predsjednik i podpredsjednik) bira upravni odbor iz svojih vanjskih članova.

Mandat predsjednika i podpredsjednika odgovara njihovom mandatu u upravnom odboru, ili se ranije završava smrću, otkazom ili razrješenjem, kako je ovdje predviđeno u daljem tekstu.

Renum. član 106 (novi)

član može biti razriješen dvotrećinskom većinom glasova upravnog odbora, iz jasnih razloga, definiranih kako slijedi:

- (a) izrečena kazna za teško krivično djelo definirano zakonima BiH;
- (b) djelovanje na način koji će vjerovatno diskreditirati univerzitet;
- (c) nemogućnost obavljanja funkcije zbog fizičke ili mentalne nesposobnosti, potvrđene nezavisnim medicinskim izvještajem ljekara kojeg imenuje upravni odbor;
- (d) ponašanje koje predstavlja neizvršenje, ili stalno odbijanje, ili nemar, ili nesposobnost za vršenje

dužnosti koje to mjesto traži.

Renum. član 107 (novi)

Predsjednik predsjedava upravnim odborom.

Podpredsjednik predsjedava upravnim odborom u odsustvu predsjednika, i vrši sve druge dužnosti predsjednika u toku bolesti ili druge vrste spriječenosti predsjednika.

Predsjedavajući upravnog odbora će za sada imati i izvorno i glasačko pravo glasa.

Renum. član 108 (trenutno 109)

Senat

Senat čine

- Rektor
- Prorektori
- po jedan član izabran iz reda i od strane akademskog osoblja, po pravilu sa najvišim zvanjem, na svakom fakultetu, akademiji, institutu i samostalnoj visokoj stručnoj školi, bez obzira na broj stalno zaposlenih u akademskom zvanju, i još po jedan dodatni član za fakultet, odnosno akademiju koja ima više od 25 stalno zaposlenih u akademskom zvanju, i
- predstavnici studenata u broju koji ne može biti manji od 20% ukupnog broja članova Senata, s tim da u strukturi budu zastupljeni redovni

studenti dodiplomskih studija, studenti postdiplomskih i doktorskih studija. Postupak kandidiranja i izbora reguliše se zakonom i pravilima koje usvoji upravni odbor

**(Isto: nacrt statuta ne regulira procedure.)**

